

四庫全書

史部

欽定四庫全書

史部

弇山堂別集卷

五

詳校官編修

臣李潢

編

臣裴謙

勛

總校官中書

臣朱

鈐

校對官中書

臣李

榮

謄錄監生

臣王

貽桂

欽定四庫全書

弁山堂別集卷五

明 王世貞 撰

盛事述五

親王高壽

親王壽過八十者肅恭王貢鏐八十一潘莊王幼學八十六益恭王厚炫八十二

若過七十者則晉莊王鍾鉉七十五魯靖王肇輝七十

九莊王陽鑄七十六代簡王桂七十三寧獻王權七十
一靖王奠培七十四岷莊王稭七十三唐敬王宇溫七
十六襄憲王瞻塏七十三康王祐櫝七十六德莊王見
潞七十衡莊王厚燾七十一

郡王過八十者慶成恭裕王表禔八十七鄆陵闕王睦

枸九十餘者堵陽安僖王同鉉八十二東阿端懿王泰塹
八十一內江莊懿王友藩八十二襄垣安惠王仕垓九十
一子闕王成鏐九十二吉陽恭順王聰注八十安化惠懿

王秩終八十八襄陵恭惠王範址八十二子安穆王徵鈴八十三樂平定肅王冲熹八十二唐山恭懿王勛澂八十三鄆城恭端王彌鉞八十富順王厚焜懷安王厚燦俱八十餘

見任高年文臣

舊例文臣京職七十方面以下六十五致仕其過期而畱任者永樂中儀少宗伯智滿八十致仕正統中楊文貞士奇八十以首揆終天順初胡忠安潞八十二始以大宗伯得請王靖遠驥八十二復為大司馬成化初王

忠肅朝八十四猶為太宰正德初馬端肅文升八十一始以太宰得請嘉靖初謝文正遷以八十復相明年致仕嘉靖末嚴分宜八十三始以首揆斥免其他若秦襄毅竑總三邊年七十九黃忠定福叅贊機務黃太宰宗載俱以七十八在任李韓公善長以太師得罪王端毅以太宰致仕俱七十七萬文康以少師罷楊文定溥以少保卒時俱七十五屠簡肅僑以太保卒楊文襄一清以少師罷時年七十六楊興濟善封伯蹇忠定義吳榮

襄中為少師陳少保循在首揆王威寧越為大帥俱七
十三他不可悉數也隆萬中起左僉都御史海瑞年七
十三按察使丁湛七十九南京工部尚書孫植七十八
今見任者姜宗伯寶七十六楊太宰巍七十四傅司馬
希摯七十一太僕卿崔大奎初為寺丞滿九載年七十三
例當退自陳守城功特陞少卿至八十三復自陳陞本
寺卿八十六始致仕而薊祥年八十餘猶為工部左侍
郎黎澄八十為尚書至欽天監例不引年又所不論也

大臣眉壽

大臣眉壽至九十者魏文靖驥九十八劉文靖健九十
四王端毅恕九十三尚書胡公拱辰陳公雍大理寺卿
葛公浩俱九十二嘉靖以來廣東按臣言致仕尚書湛
若水年九十請賜存問已之又五年而卒末年喻尚書
茂堅萬厯初王尚書學夔俱九十餘王以九十四應尚
書大猷以九十五卒應公凡四遇優詔存問南兵書郭宗
舉九十刑書錢邦彥九十一存問加夫米其尚書以上至

八十餘者胡忠安濛韓司寇邦問蔣恭靖瑤方尚書鈍
俱八十九鄒宗伯榦殷司寇從儉李太宰裕張太保子
麟馮司寇岳俱八十八王恭靖璟潘恭定恩俱八十七
馬端肅文升林司馬瀚韓忠定文章文懿懋高襄簡友
璣劉清惠麟嚴分宜嵩俱八十六單司馬安仁楊宗伯
翥王靖遠驥孫司馬原貞王崇簡宗彝陶恭介琰趙康
敏鑑李莊簡浩朱宗伯思焦泌陽芳俱八十五王文端
直王忠肅翱崔司空文奎賈文靖詠朱恭襄希周孫司

徒應奎何右都棟呂少傅本俱八十四黃文簡淮胡賓
客儼劉宮保障薛司馬遠尹文和直陳太保金謝文正
遷毛文簡紀羅文莊欽順顧宮保應祥張恭肅潤胡司
空松俱八十三陸康僖瑜尹恭簡旻李襄敏秉閔莊靖
珪李恭襄鎡劉司寇纓李司空善王右都曠王太宰崇
慶俱八十二徐宗伯瓊侯司空瓚洪太保鍾林司徒泮
李司徒瀚周司寇倫鄭尚書紳徐少師階俱八十一俞
司寇士悅苗文康衷何司馬鑑雍司徒泰王司寇鑑之

鄧司徒璋孫司徒交楊司徒潭文莊靖淵孫宗伯承恩
吳太宰鵬黃司寇中張太宰瀚陸大宗伯樹聲俱八十
二董宗伯份八十一王左都廷八十五

若三品京堂則禮部右侍郎錢習禮八十九戶部侍郎王
儼萬虞愷副都御史朱鑑大理卿夏時正八十八禮部右
侍郎王士嘉右副都御史孫曰良八十七左副都御史吳訥
刑部左侍郎魯翬南京工部右侍郎范嵩八十六禮部左
侍郎陳璉太常卿兼學士吳節工部左侍郎龔輝八十五

兵部左侍郎吳寧工部左侍郎薊祥右副都御史王嵩
八十四工部右侍郎潘禮太常寺卿夏杲順天府尹王
賢八十三兵部左侍郎陳臬謨禮部右侍郎趙永右副
都御史毛珵八十二戶部左侍郎韓福八十一工部左
侍郎郝璜兵部左侍郎范欽府尹王弼八十今戶部侍
郎林應亮八十五正統丙辰進士古鏞天順丁丑以大
理左少卿謫戍赦還至正德己巳猶在能躍馬豪飲時
人謂之古進士考登科鏞以二十四登第至己巳又七

十三年蓋得文王之歲矣

勲臣享封爵高壽

會昌伯孫忠宣城伯衛穎八十八鎮遠侯顧成泰寧侯
陳珪寧陽侯陳懋會昌侯孫繼宗宣城伯衛鐔八十五
成安侯郭亮亦近之平江侯陳豫東寧伯焦禮永寧伯
譚廣新寧伯譚祐八十二隆平侯張信八十一伏羌伯
毛銳遂安伯陳韶子惠皆八十餘懷寧侯孫鏗八十今
英公張溶鎮遠侯顧寰亦如之

都督同知吳良番將也以洪武中來降有功至成化時始卒年九十九蘓和爾和乃靖難時舉槍擬太宗者為童信射馬蹶被擒釋之累戰功至左軍左都督八十四猶請効用趙清守彰德不下太宗釋之俾仍以都督僉事守邊年八十八卒有子九人長璟同時為都督而琮珣瑛玪俱世襲指揮使李達八十八歲猶以都督守邊

高年人瑞

高皇帝詔諸耆老謁見而崑山周壽誼居首年一百十

六歲賜宴及鈔幣天順中召京師人百四歲茹大中入
見便殿賜宴順天府賜冠帶襲衣命禮部尚書姚夔造
其第賀之成化中濟寧人王士能以百十六歲徵又七
年終又韓王奏羣牧所千戶朱政曾祖信年一百六歲
而終祖全一百二歲父鏞八十二歲見存三代皆以千
戶致仕詔信全俱進階宣武將軍各賜羊酒白米二石
弘治中吾州毛弼年百歲而孫澄狀元及第有司為蓋
人瑞狀元坊福建林知府春澤百歲時有司為蓋百歲

坊而子侍郎應亮年七十三孫學憲如楚乞歸侍又四年而春澤始卒今亮八十五

舊德

黃文簡淮以永樂甲申右庶子主考會試後以宣德癸丑致仕少保謝恩主會試相去三十年謝文正遷以弘治乙卯入相至嘉靖戊子復召相去三十年費文憲宏以正德辛未入相辛巳再召至嘉靖乙未三召相去二十五年可謂舊德

丙辰兩狀元

吾吳朱恭靖希周弘治丙辰狀元盛德為天下師表雖
壽止八十四然及見嘉靖丙辰狀元諸大綬而沒亦吾
吳盛事也今少師徐公以癸未第三人及第至癸未沒
之旬日而傳臚唱名不及見

驟貴

高帝不愛官爵以收天下賢才故有布衣或下僚徑超
八座者別有紀記之茲錄其遷轉之驟者三人於後大

理寺右評事王雋以有過當罰上念其年少才美赦之
超為工部左侍郎尋進尚書予誥命御史凌漢上言閫
外不宜專制召為右僉都御史數日遂進右都御史吏
科庶吉士楊靖使還擢戶部右侍郎數月轉左遂進尚
書歷刑禮二部都察院左都御史加太子賓客最隆委
寄

洪熙楊文貞士奇以左春坊大學士進禮部左侍郎華
蓋殿大學士再進少保少傅尚書黃文簡淮以右春坊

大學士繫獄出為通政司通政使兼武英殿大學士再
進少保尚書武英殿大學士楊榮加太常卿兼謹身殿
大學士再進太子少保尋加工部尚書金幼孜加戶部
右侍郎兼武英殿大學士再進太子少保尋加戶部尚
書宣德左庶子陳山進戶部右侍郎再進戶部尚書謹
身殿大學士司經局洗馬張瑛進禮部左侍郎再進禮
部尚書華蓋殿大學士首尾數月內事耳正統曹狀元
鵬以侍講入內閣進翰林院學士遂進吏部左侍郎兼

學士居首揆景泰商狀元輅以侍讀入內閣進翰林院
學士遂進兵部左侍郎兼春坊學士嘉靖初主事桂文襄
萼張文忠璉以議追崇獻皇帝稱旨俱超授翰林學士
方文襄獻夫以員外霍文敏韜以主事俱為侍講學士
萼璉俱進詹事府萼為吏禮左右侍郎尚書加太子太
保再加少保太子太傅尋兼武英殿大學士璉為兵部
左右侍郎禮部尚書文淵閣大學士加少保再加少傅
太子太傅吏部尚書謹身殿大學士累進少師太子太

師華蓋殿大學士獻夫進少詹事禮部左侍郎尚書加
太子太保改吏部進武英殿大學士韜進詹事復遷禮
部尚書不拜久之始為吏部左侍郎南禮吏尚書召掌
詹事府加太子少保預議者席文襄書以南兵部右侍
郎進禮部尚書加少保太子太保黃綰都察院經歷由
南京刑部員外郎進光祿少卿大理少卿少詹事南北
禮部左右侍郎遂進尚書兼學士黃宗明以運使進光
祿卿兵禮左右侍郎熊浹以給事中出為叅議進右僉

都御史遂為副都以至右都後至太子太保吏部尚書
張桂等不五年而登大位八年夏文愍言以吏科都給
事中議郊廟禮稱旨進侍講學士少詹事禮部左侍郎
尚書累加少傅入閣官至少師太子太師吏部尚書華
蓋殿大學士其自都給事中至尚書只二年中事耳嘉
靖末以撰玄稱旨侍講袁煒進侍講學士吏禮左右侍
郎尚書至少傅太子太傅戶部尚書建極殿大學士嚴
訥以侍讀李春芳以修撰董份以左中允俱為翰林院

學士俱進太常少卿後訥至太子太保武英殿大學士
春芳至少師吏部尚書中極殿大學士份至禮部尚書
兼學士胡宗憲以御史禦倭進僉都御史遂進兵部侍
郎總督累加至少保太子太保兵部尚書兼都察院左
都御史萬歷十年右贊善沈鯉超為翰林侍讀學士俄
遷禮部右侍郎改吏部轉左進禮部尚書首尾僅二年
成化中汪直所厚御史戴縉遷尚寶少卿不數月進
右僉都御史遂為左副及右都御史出為南京工部

尚書

正德中劉瑾所厚文選郎中張綵超為都察院右僉
都御史吏部尚書加太子少保西安府知府胡汝礪
遷順天府丞府尹兵部左右侍郎督理宣府兵馬糧
餉以至兵部尚書衡州府知府劉機遷太僕少卿太
常卿戶部右侍郎至戶部尚書朱恩由河南按察副
使遷按察使布政副都南京吏部侍郎以至禮部尚
書首尾只三年

早達

宋人春明退朝錄有記早達者年歲今倣之錄於後

四歲洪舍人鍾以善大書舉入翰林肄業

五歲李文正東陽以奇童舉善大書屬對入翰林肄業

八歲至十歲程學士敏政楊文襄一清俱以有司薦舉

奇童弘治中董侍郎玘舉奇童不中格罷歸

九歲張寧陽王懋龍爵英國公

十二歲楊少師廷和舉鄉試大理寺卿朱奎太常卿任

道遜舉奇童侍東宮書

十四歲趙中丞時春中經魁楊少師一清中鄉舉

十五歲蔣文定冕中解元

十六歲王庶子臣登進士李少師東陽費少師宏何提
學景明張太師居正劉侍讀虞夔中鄉試鄧寧河愈為
中軍先鋒

十七歲李少師東陽舉會試太常王學士獻張宮傅潔
王郡守廷幹舉進士馬工部拯余工部毅中舉解元

沐都督昂以戰功遷都督

十八歲王侍講洪陳修撰景著王兵侍偉楊少師一清
趙中丞時春王叅政慎中蔡侍郎汝楠俱第進士奇童
洪舍人鍾舉進士解學士縉中解元傅吉士新德中鄉
魁內陳為探花趙中會元王禮書弘誨中解元

十九歲解學士縉范少宰理李詹事泰白中丞圻楊少
師廷和何少宰孟春陳中丞耀蔡尚書克廉俱舉進士
今王布政象坤中解元舒編修弘志中探花楊元祥改

庶吉士殷少保士儋經魁吳吉士鴻功解元

二十歲費少師宏舉狀元鄒司成守益倫司成以訓俱
會元又與戴編修大賓俱及第向右都寶張學士益王
中丞雲鳳胡司馬汝礪李司馬昆盛右都應期李司徒
如圭何提學景明王太宰用賓王大司馬一鶚方少保
逢時王方伯庭詩方伯象坤劉詹事虞夔吳吉士鴻功
俱登第

二十一歲喬少保宇項吏侍文曜邊尚書貢顧尚書璘

方少保獻夫邊左都憲成進士徐少師階及第拜翰林
編修金侍郎紳俞侍郎欽為翰林庶吉士楊少師溥胡
司徒執禮馮方伯叔吉張中丞九一嚴太宰清蹇觀察
達俱中進士李夢陽中解元

二十二歲徐武寧王達為統帥林修撰大欽狀元及第
二十三歲施修撰磐狀元及第

二十四歲郭太宰璉為布政司叅議

二十五歲鄧寧河王愈為行省叅政

二十七歲徐中山王達為同知樞密院

二十八歲項文曜為兵部侍郎李岐陽王文忠為行省
平章沐昭靖英為都督同知沐定遠晟封黔國公

二十九歲鄧寧河愈為行省平章馮宋公勝為右都督
兼詹事韓襄毅雍為僉都御史

三十歲徐太傅達為中書右丞朱定襄王希忠加太保
掌京營兵項公文曜為吏部左侍郎

三十一歲鄧寧河王愈為右御史大夫朱東平王能封

成國公

三十二歲李岐陽文忠封曹國公徐太傅達為左相國
向右都寶為通政使胡文穆廣以侍讀楊文敏榮以侍
講入內閣

三十三歲常開平遇春為中書平章政事解學士縉以
侍讀入內閣于肅愍謙為兵部侍郎朱成公希忠加太
傅

三十四歲鄧寧河愈封衛國公馮宋公勝封宋國公沐

昭靖英封黔寧侯陳節愍洽為吏部右侍郎彭少保時以修撰入內閣張定興輔以征夷將軍平安南

三十五歲解公縉為翰林院學士

三十六歲徐中山達為中書右丞相封信國公張定興輔封英國公鐵公鉉為兵部尚書李公友直為刑部左侍郎許公觀為禮部侍中許公廓為工部侍郎李公實為禮部侍郎孫公祥為副都御史商少保輅以侍讀入閣胡司徒執禮為太僕寺卿

三十七歲常開平遇春為平章軍國重事封鄂國公夏
忠定原吉吳公中為尚書郭太宰璉為工部右侍郎胡
文穆廣為學士黃文簡淮為侍讀學士在內閣今劉公
虞夔以太常少卿掌翰林院

三十八歲胡公子昭為刑左侍許公思溫為吏左侍王
襄敏越胡公執禮為右副都前劉公為詹事

三十九歲徐中山達為太傅封魏國公湯中山和為中
書左丞許公觀為禮部侍中

四十歲蹇忠定義為吏部尚書黃忠宣福為工部尚書
商少保輅為兵部左侍郎在內閣費文憲宏為禮部侍
郎申少保時行以少詹兼學士

四十一歲徐少師階為禮部侍郎

四十二歲郭忠襄資為戶部呂公震為刑部俱尚書呂
文懿原以學士入閣彭文憲時以太常少卿再入閣馬
端肅文升為大理寺卿李泰董文莊玘為詹事費少師
宏為禮部尚書尹太傅旻徐少師階俱為吏侍

四十五歲白恭敏主為工部尚書王襄敏越為右都御史費文憲宏方文襄獻夫加太子太保余肅敏子俊為兵部尚書張公綵為吏部尚書董公玘殷公士儋為吏部侍郎王公錫爵為禮部侍郎

四十六歲陳節愍洽胡公汝礪為兵部尚書熊公槩屠太傅瀟胡少保宗憲楊少師博為右都御史呂少傅本為少詹事入閣殷公士儋為禮部尚書

四十七歲謝文正遷以詹事入閣趙公榮張公濬俱為

尚書徐公階為禮部尚書楊公博為兵部尚書加太子少保高公耀為戶部尚書張公居正加少師中極殿大學士居首輔陳公經邦于公慎行為禮部尚書

四十八歲陸康僖瑜為刑部尚書王襄敏越為左都御史項襄毅忠余肅敏子俊為右都御史劉文穆吉以禮侍入閣徐公階申公時行加太子太保呂公本以內閣加禮部尚書殷公士儋加太子太保萬少保鏜為南院右都御史谷公中虛王公遴汪公道昆為兵左侍魯公

省吾為工書王公弘誨為南禮部尚書

四十九歲劉太保珣以吏侍李少師東陽以禮侍俱入
內閣王少保越白宮傳圭俱加太子少保蔡公克廉為
戶部尚書殷公士儋加少保武英殿大學士申公時行
以少傅居首揆王公家屏以吏部左侍郎兼東閣大學
士趙公賢為南吏部尚書劉公一儒為南工部尚書

五十歲李韓公善長為左丞相李文達賢以吏書入內
閣余肅敏子俊為兵部尚書王文成守仁以尚書封伯

楊文忠廷和加少保彭文憲時姚文敏夔倪文毅岳夏
文愍言及林公燦為尚書桂文襄萼為吏部尚書王襄
敏越翁襄敏萬達為左都御史楊公博與胡公宗憲俱
加太子太保郭公朴加太子少保禮部尚書申公時行
以少師華蓋殿學士居首揆

五十一歲徐天全有貞封武功伯為華蓋殿大學士居
首揆

晚達

劉文介儼四十九魯學士彥五十四唐學士皋五十八
焦竑五十俱登狀元魯祭酒鐸四十五登會元王祭酒
激以四十九登進士近金司業達以五十八會元及第
惟張文忠四十七舉進士六年大拜任師臣者十二年
錢文肅習禮以練子寧姻累三十九始中解元登第八
翰林歷清華之選而近八十猶為學士五品轉禮部侍
郎歸湛文莊若水亦以父累故四十會試入翰林至七
十餘始拜尚書二公皆登上壽丘文莊濬張文簡壁七

十餘始入閣焦泌陽芳七十餘始以侍郎拜太宰王太保璟陳簡肅瓚七十餘以侍郎進左都御史楊尚書翦八十餘以長史進禮部左侍郎袁景襄宗皋近七十以長史為吏侍周侍郎詔近八十以紀善拜少詹事

文貞奇遇

楊文貞公士奇不由科目以布衣薦輔導東宮居內閣首揆典制草詔定大禮授冊二總裁國史主會試及京試各再備極儒林之榮可謂奇遇矣

三元

國朝商少保輅正統乙卯領解浙江乙丑為會試廷試
第一人士林豔羨商公年二十二發解十年而成進士
四年而以修撰入閣七年而以兵侍歸歸十年而復入
入十年而以少保歸又十年乃卒尤為奇也

會元狀元

許侍中觀

洪武辛未

吳宗伯寬

成化壬辰

錢修撰福

弘治庚戌

倫宮諭

文敘

弘治己未

內文敘鄉試復第三人

解元會元

黃太常子澄

洪武甲子
乙丑

施御史顯

洪武丁卯
戊辰

陳僉事璿

永樂戊子

己丑 林宮諭誌

永樂辛卯
壬辰

洪右都英

永樂甲午
乙未

楊司徒鼎

正統乙卯

己未 姚太宰夔

正統戊午
壬戌

王少傅鏊

成化甲午
乙未

儲吏侍璿

成化癸卯

甲辰 汪宗伯俊

弘治壬子
癸丑

李太史廷機

隆慶庚午
萬曆癸未

內林誌楊

鼎李廷機俱廷試第二王鏊廷試第三

解元狀元

吳學士伯宗

洪武庚戌
辛亥

林侍講環

永樂乙酉
丙戌

蕭修撰時中

永樂

戊子 陳少保循 永樂甲午乙未 柯少詹潛 正統丁卯 彭侍講教

辛卯 天順壬申 謝少傳遷 成化甲午乙未 李少宰旻 成化庚子甲辰 楊光祿惟

聰 正德己卯辛巳 內陳循彭教會試第二人謝遷會試第三人

三試魁元

鄉會試俱五名之內廷試三名之內除前所紀倫林楊李

王陳彭謝八人外花解元綸會試殿試俱第三楊狀元慎

鄉試第三會試第二陳會元瀾袁會元煒俱鄉試第二

廷試第三王會元錫爵鄉試第四廷試第二金會元達

鄉廷試俱第三靳解元貴會試廷試俱第二謝解元丕
會試第四廷試第三陶太史望齡鄉試第二殿試第三

狀元入內閣

永樂狀元胡文穆廣陳芳洲循宣德馬侍郎愉曹文忠
鵬正統商文毅輅彭文憲時成化謝文正遷費文憲宏
弘治顧文康鼎臣嘉靖李文定春芳及今申公時行凡
十一人入閣而不得大學士者馬公及曹公也官大學
士而非入閣者吳公伯宗也入閣又為大學士而止五

品者胡公也

狀元一品

少師前費公少傅前謝公李公少保前陳公商公彭公
顧公成化狀元太子太傅張公昇弘治狀元太子太傅
毛公澄嘉靖狀元少師申公時行凡十人

狀元二品

洪武狀元禮部任尚書亨泰許侍中觀

建文官制

天順南京

禮部黎尚書淳工部謝尚書一夔成化禮部吳尚書寬

南吏部王尚書華弘治南吏部朱尚書希周嘉靖南禮
部秦尚書鳴雷凡八人

狀元三品

前侍郎馬公曹公及景泰狀元孫太常卿賢成化李吏
侍旻正德呂禮侍柟楊光祿惟聰嘉靖茅吏侍瓚隆慶
諸吏侍大綬丁吏侍士美羅禮侍萬化凡十人

榜眼八閣

永樂苗文康衷正統陳莊靖文呂文懿原景泰徐文靖

溥萬歷呂少傳調陽王太保錫爵又潘太保晟未上凡七人

榜眼一品

自內閣徐公溥呂公調陽外天順太子太保禮部尚書
徐瓊萬歷太子太保禮部尚書潘晟太子太保大學士
王公錫爵凡五人

榜眼二品

自苗衷陳文二公外永樂交趾左布政使張顯宗自侍郎遷

正統太子少保戶部尚書楊鼎太子少保禮部尚書周
洪謨成化南京吏部尚書楊守陟南京吏部尚書黃珣
正德太子少保禮部尚書白鉞禮部尚書劉春嘉靖南
兵部尚書劉龍南禮部尚書孫陞十一人

榜眼三品

洪武工部侍郎張顯宗永樂禮部侍郎杜寧成化禮部
右侍郎程敏政禮部右侍郎費閭弘治禮部左侍郎王
瓚吏部左侍郎董玘正德禮部左侍郎蔡昂嘉靖南兵

部右侍郎王教吏部右侍郎程文德禮部左侍郎瞿景
淳萬厯吏部右侍郎陶大臨南京吏部右侍郎趙志皋
凡十二人

探花入內閣

正統劉文安定之岳文肅正成化王文恪
嘉靖徐文貞
萬厯余少傳
丁凡七人

探花一品

自王鏊靳貴徐階袁煒余有丁五公外嘉靖少保太子
太保禮部尚書吳山凡六人

探花二品

正統南京禮部尚書倪謙景泰南京吏部尚書王僉天
順南京禮部尚書鄭環成化南京禮部尚書董越弘治
戶部尚書李廷相萬厯南京禮部尚書林士章凡六人

探花三品

內黃鳳翔
係榜眼

洪武右副都御史練子寧成化詹事府詹事陸簡弘治

吏部左侍郎謝丕正德禮部右侍郎崔桐嘉靖南太僕卿歐陽衢太常卿胡正蒙禮侍黃鳳翔凡七人

會元入內閣

前商公輅岳公正劉公定之王公鏊景泰彭文思華成化梁文康儲正德張文隱治今王太保錫爵及袁公煒凡九人

會元一品

前少保商公少傅王公少師梁公太子太保張公少傅

袁公太子太保王公凡六人

會元二品

前吳文定公彭文思公及永樂洪右都英正統楊戶書
鼎姚吏書夔成化章禮書懋弘治汪禮書俊正德霍禮
書韜嘉靖陸禮書樹聲凡九人按會元至太宰者一人
而狀元遂闕

會元三品

洪武太常卿黃子澄前侍郎劉文安公及成化費禮侍

閭諸吏侍瓘弘治董禮侍玘正德邵太僕銳嘉靖李太僕舜臣瞿禮侍景淳胡太常卿正蒙田禮侍一雋凡十人

狀元得謚

狀元得謚者胡文穆廣曹文忠魯劉文介儼商文毅輅彭文憲時黎文僖淳謝文莊一夔羅文毅倫張文僖昇吳文定寬費文憲宏毛文簡澄朱恭靖希周顧文康鼎臣呂文簡柟羅文恭洪先李文定春芳諸文懿大綬丁文恪士美凡十九人

會元得謚

會元得謚者劉文安定之楊莊敏鼎姚文敏夔岳文肅
正彭文思華章文懿懋王文恪鏊梁文康儲魯文恪鐸
儲文懿瓘汪文莊俊董文簡玘邵康僖銳鄒文莊守益
霍文敏韜張文毅治袁文榮煒瞿文懿景淳并前商公
吳公凡十八人

榜眼得謚

榜眼得謚者苗文康衷陳莊靖文呂文懿原周文安洪

謨徐文靖溥黃文僖珣白文裕鉞劉文簡春劉文安龍
王文定瓚孫文恪陞程文恭文德呂文簡調陽陶文僖
大臨并前劉楊鄒瞿凡十九人

探花得謚

探花得謚者倪文僖謙王文肅與董文僖越靳文僖貴
李文定廷相徐文貞階吳文端山并前王表凡九人

武舉首至通顯

武舉始自弘治十四年其居首選者曰會元如近世尹

鳳王世科之類亦俱至都督僉事若名位之顯者曰許
泰至左都督封安邊伯安國至都督同知贈左都督賜
謚武敏王佐以錦衣都指揮使贈右都督三人皆有才
望而泰不克終

弇山堂別集卷五

欽定四庫全書

弇山堂別集卷六

明 王世貞 撰

異典述序

夫國之有典也則號令慶罰皆在焉其曰典者何志常也曰異典者何志非常也諸創國者皆不為常者也其業可大而法可久習之則為常是故曰典也自古有天下之盛者莫過唐虞三代唐有天下舉畎畝之鰥民而

委之政既得政則繼天子之所任岳牧侯伯而僂之既
僂之而復峻用其子其後輒舉祖宗之人民社稷而付
之商有天下舉五就之遁臣而委之政既托孤而廢其
主廢而旋復焉尊之曰阿衡而待之以不臣周借其國
付渭川之釣叟使埒父稱而師事之又以其幼子托之
於介弟使據君位而朝諸侯其歿也又崇以天子之禮
樂典而異者孰並哉及其衰也以定王却楚之晉文尚
能守空名之隧而不肯予以九合諸侯之齊桓其相國

尚能守陪臣之分而不敢渝非衰主之賢而創主之易也其勢殊也明興高帝取天下於殘裂之餘勢不得不有所更革天造草昧事取意裁未及討論至末年而始截如矣其始不能無異也雖然異而非異也易世而後或革或因乘時變通加以潤色固無論已其它或不無一時之好而有所登進或不考於甲令之舊而有所抵迂或飾喜出於燕暱而少折衷或疑功歸之惟重而未為衡或假無方之立而不必公或取政府之徇而不必

當或言路啟於新進而不暇詳或曹局迫於奉行而不暇執主之者快而旁覩者駭授之者以為常而受之者以為異也余故識而述之其有抑斥者亦附焉凡十卷以從異日稗官之後

異典述一

再上祖宗號

嘉靖十八年改上太宗體天弘道高明廣運聖武神功純仁至孝文皇帝尊號為成祖啟天弘道高明肇運聖

武神功純仁至孝文皇帝加上皇考恭睿淵仁寬穆純
聖獻皇帝尊號為睿宗知天守道洪德淵仁寬穆純聖
恭儉敬文獻皇帝按世宗欲罷太宗之配天而宗祀獻
皇於明堂以配上帝故有所更置耳

天子別號

正德五年上自號大慶法王西天覺道圓明自在大定
慧佛特給黃金印白玉軸頭誥命嘉靖三十五年恩封
睿宗為三天金闕無上玉堂都仙法主玄元道德哲慧

聖尊開真仁化大帝獻皇后為三天金闕無上玉堂總
仙法主玄元道德智慧聖母慈化天后孝烈方皇后為
九天金闕玉堂輔聖天后掌仙妙化元君上初封靈霄
上清統雷元陽妙一飛玄真君加封九天弘教普濟生
靈掌陰陽功過大道思仁紫極仙翁一陽真人元虛玄
應開化伏魔忠孝帝君再加太上大羅天仙紫極長生
聖智昭靈統三元證應玉虛總掌五雷大真人玄都境
萬壽帝君自是至四十五年又不可勝紀矣

天子爵封

高皇帝初渡江下太平稱行中書省馬步水軍大元帥
下建業稱江南等處行中書省中書右丞相吳國公尋
進吳王皆諸將推而以宋龍鳳主命行之也

正德十三年七月司禮監太監蕭敬傳奉聖旨近年以
來塞外犯順屢害四方兵戎廢弛其遼東宣府大同延
綏陝西寧夏甘肅尤為要任今特命總督軍務威武大
將軍總兵官朱壽統率六師分布人馬或攻或守即寫

各地方制勅與之使其必掃兇殘靖安民物至於河南
山西東北直隸倘有小寇亦各給與勅書使率各路人
馬剪削朱壽者上所自命名也尋召內閣九卿科道官
於左順門諭旨皆泣諫弗納八月手勅吏部總督軍務
威武大將軍總兵官朱壽統領六師掃除邊患累建奇
功特加封鎮國公歲支祿米五千石吏部如勅諭奉行
該尚書陸完等執奏不聽仍批注于後軍都督府帶俸
十四年正月手勅吏部鎮國公朱壽特加太師又傳旨

諭吏部總督軍務威武大將軍太師鎮國公朱壽今往
南北兩直隸山東泰安州等處尊奉聖像供獻香帛祈
福安民內閣部院科道部屬官極諫不聽八月傳旨寧
王宸濠悖逆天道謀為不軌擅殺巡撫等官燒燬府縣
荼毒生靈傳聞已至湖口將犯南京即令總督軍務威
武大將軍總兵官後軍都督府太師鎮國公朱壽親統
各鎮官軍征剿又傳旨朕親率六師奉天征討仍托總
督軍務威武大將軍鎮國公名號還寓制勅便於行事

三祖爵封

高皇帝之曾祖四九公宋龍鳳九年贈資德大夫江南
等處行中書省右丞上護軍司空吳國公是曰懿祖配
侯氏贈公夫人祖初一公贈光祿大夫江南等處行中
書省平章政事柱國司徒吳國公是曰熙祖配王氏贈
公夫人父五四公諱世珍贈開府儀同三司上柱國錄
軍國重事中書右丞相太尉吳國公是曰仁祖配陳氏
贈公夫人豈諸將臣上之而以宋龍鳳之制行之耶抑

龍鳳主來見冊也

兩宮並尊

憲宗初嫡母錢上徽號曰慈懿皇太后生母周曰皇太后錢太后崩周太后始有聖慈仁壽之號

正德中母后張已上徽號曰慈壽皇太后矣

嘉靖初加尊號曰昭聖慈壽皇太后稱皇伯母而聖母蔣止稱章聖皇太后三年加張太后尊號曰昭聖康惠慈壽而蔣太后亦加號曰章聖慈仁然尚有二字異也

十五年昭聖加恭安二字於康惠上而章聖加康靖貞壽於慈仁下遂並加八字無別矣

隆慶六年今上即位上嫡母陳號曰仁聖皇太后生母李號曰慈聖皇太后而萬曆六年加懿安於仁聖上加昭文於慈聖上十一年仁聖復加康靖二字慈聖亦加明肅二字蓋不惟等重無別而字義之間亦分軒輊矣

親王賜道號

世宗末賜徽王厚燭號忠孝闕一真人遼王憲燭號闕一真人黃金印大於國寶後皆追奪

親王將兵

國初皇姪文正以總兵鎮洪都諸將悉聽節制後秦王征西虜晉王燕王征北境楚王湘王征五開洞蠻俱領勅為大將統兵公侯皆聽節制有功永樂元年初下京師制高陽郡王高煦充征北副將軍北平開原諸衛及從征官軍悉聽節制

親王授官

國初皇姪文正初為同僉書樞密院事特拜大都督府大都督秦王為宗人令晉王燕王為左右宗人正周王楚王為左右宗人俱正一品

諸王公主初定歲祿

九年定諸王公主歲供之數親王歲支米五萬石鈔二萬五千貫錦四十疋紵絲三百疋紗羅各一百疋絹五百疋冬夏布各一千疋綿二千兩鹽二百引茶一千斤

馬匹草料月支五十匹靖江王府歲米二萬石鈔一萬貫餘比親王減半馬匹草料月支二十匹公主未受封者歲支紵絲一十足紗一十足羅一十足絹三十足夏布三十足木棉布三十足綿二百兩已受封者莊田一所歲收糧一千五百石鈔二千貫親王子男未受封者歲支紵絲羅絹冬夏布綿同公主女半之男已封郡王者歲米六千石鈔二千八百貫錦十足紵絲五十足羅二十五足紗二十五足絹一百足夏布一百足木棉布

一百疋綿五百兩鹽五十引茶三百斤馬匹草料月支
十匹女已受封及嫁者歲米一千石鈔一千四百貫親
王世子歲賜同郡王郡王之子襲封者比始封郡王減
半郡王女縣主已嫁者歲米五百石鈔五百貫後至二
十二年以物力不給更定為今制自初封十王之外未
有沾被者

親王歲祿之異

親王歲祿萬石攷宣德元年周王歲祿加至二萬石以

太宗母弟也漢趙二王又加至各三萬石以太宗親子也若代王六千石唐王五千石韓王三千石伊王遼王二千石岷王一千五百石肅王一千石則以邊餉之不繼或多賜莊田草場以益之非有隆殺也

親王功賞之厚

宗王以賢德維藩不當有戰功而高帝則獨重之洪武中秦晉燕數北征有功賞最重楚湘次之其可考者晉燕二府賜鈔各一百萬錠楚王征雲南阿魯禿等處賜

秦馬三千匹黃牛二千頭牂牛一千頭羊九千隻

永樂賞谷王穗金川門功樂七奏衛士三百金銀大劍
金三百兩銀三千兩鈔三萬錠綵幣三百疋良馬四匹
金籠鞍轡二副又馬二十四匹金鞍二副銀五百兩鈔
四萬六千錠錦十疋紵絲綾羅各六十疋絹百九十疋
又銀千兩鈔三萬錠袍衣三襲絹五百疋白毳羅綿一
條西洋布三十疋檀香三百斤降真香五百斤胡椒蘇
木各千斤良馬十匹羊百羴酒五百甔椰子三百火者

百人賞蜀王椿發谷府反謀功黃金二百兩銀千兩鈔
四萬錠玉帶一金織袞龍紵絲紗羅衣九襲紵絲紗羅
各五十疋絨錦十疋綵絹十疋兜羅綿十條高麗布一
百疋白米千石胡椒千斤良馬十匹金鞍二副又銀四
千五百兩鈔十萬錠米萬石紵絲五百疋紗羅各二百
五十疋絹一千疋兜羅綿六十條蘇木五千斤胡椒三
千斤珍珠一百九十二兩馬一百五匹金鞍二副火者
百人洪熙賞趙王高燧山陵功白金三千兩鈔三萬貫

綵幣二百表裏馬十匹

親王誕辰特頒

永樂初周定王橚誕辰賜冠一通天犀帶一綵幣三十
足金香爐合各一玉觀音金銅佛各一鈔八千錠羊十
腔酒百餅立春賜綵幣三十足珠翠春花各四十枝酒
千餅羊百牽馬十匹金鞍二副按我朝諸王於此二節
例無慶賜獨定王以同母弟得之至王薨而後已盖特
恩也

親王封國改建

洪武初封吳王橚改封周王封豫王桂改封代王封漢王棖改封肅王封衛王植改封遼王

親王降封

永樂中徐王允熾降封甌寧王奉懿文皇太子祀

郡王同親王

高皇之世皇姪文正以大都督總制南昌推陳友諒後雖用驕僭致殞而念親念勲上實不忘故其子守謙雖

封郡王冠止七旒祿止二千石而特設內外承奉長史等官宮城莊田宗社之類皆與親王等

宗王獻詩獎賞

洪熙元年韓王冲煬襄陵王冲烱樂平王冲炆各獻詩頌上嘆而嘉之賜勅獎諭比之東平河間仍賚韓王白金五百兩鈔六千錠錦六疋紵絲二十表裏紗羅各二十疋二王各白金二百五十兩鈔四千錠錦三疋紵絲十表裏紗羅各十疋仍令戶部加支本色祿米有差祖

宗朝親親右文其隆渥如此

夷王如親王

西虜如忠義王北邊如太平王如和寧王皆待之以王
號取羈縻而已獨永樂哈密忠順王築城池賜金印復
設長史紀善衛經歷以中國庶僚周安劉行韋思誠充
之則儼然親王矣哈密累建累廢後為土魯番所併雖
以詔旨還王及印微弱不振終難復也

異姓追封王

國朝推劉氏白馬之約於勲戚大臣無生封王者惟贈典則有之今記於左

滁陽王郭子興以舊帥追封

楊王陳公以外大父追封徐王馬公以外父追封俱無名外高祖太王外曾祖高王俱無姓

隴西王李貞以姊夫及子文忠功追封

中山王徐達開平王常遇春岐陽王李文忠寧河王鄧愈東甌王湯和黔寧王沐英定遠王沐晟河間王張玉

定興王張輔東平王朱能宣平王朱永以功追封

平陰王朱勇以死難追封

寧陽王張懋定襄王朱希忠以恩舊追封以上廟像用
七旒冠皮弁及誥命用寶軸金冊寧陽定襄後以言者
追論非例見禡

又

洪武三年大封勲臣所謂生封公死封王者凡六人其
後李韓公善長馮宋公勝皆以罪不得封而封王者湯

信公和沐西平英也沐定遠晟朱宣平永已不能無異議矣朱平陰之死敗績與丘淇公同而得封王爵至李隴西貞張寧陽懋朱定襄希忠抑又異矣

異姓封王

永樂末年額森托噶來歸賜姓名金忠封忠勇王奉朝請其祿俸僉從在公之下侯之上然累加太保太子太保等官又在京及典兵出征非四夷封爵比也

贈三代王

洪武三年追封鄂國公遇春為開平王十六年曹國公
文忠為岐陽王十八年魏國公達為中山王二十五年
西平侯英為黔寧王俱追封其三代曾祖祖父為王鄂
魏曹以勲西平兼以戚也洪熙初追封東平河間亦三
代王後無之

再進公號

吳元年封中書左相國李善長宣國公右相國徐達信
國公時上尚為吳王也洪武三年左丞相宣國公善長

進封韓國公祿四千石右丞相信國公達進封魏國公祿五千石

再易侯號

豫章侯胡廷瑞改封臨川侯

父子易封

甲令襲封仍故號常忠武遇春封鄂國公薨子茂襲改封鄭國公茂得罪弟昇改封開國公鄧武順愈封衛國公子鎮襲改封申國公納哈出降附封海西侯子察罕

襲改封瀋陽侯濮英贈金山侯子璵改封西涼侯

遙授國公

廖平章永安為張士誠所獲不屈被囚遙封楚國公卒
後改封鄖以避王封也

恩澤公

高帝最重公封下於王一等其時獨李曹公貞以尚主
由恩親侯進封然與其子文忠同爵不甚異也至二十
三年都督僉事胡顯以皇充妃從子侍楚王征蠻洞功

甚微進封梁國公則甚異矣永樂初徐定公增壽以皇
后弟輸款被禍封遂世襲嘉靖初張昌公鶴齡以太后
兄推恩鄖靖公勛以督工進封真闊異之典也然昌靖
二國是流爵非世襲

襲爵公侯贈王公

襲爵公侯伯非有奇功異能沒不得追封王公侯亦令
甲也寧陽王為英國公懋平陰王為成國公勇定襄王
為成國公希忠康蘄春鐸之封蘄國陳泰寧瀛之封寧

國宋西寧瑛之封鄆國吳恭順瑾之封涼國孫會昌繼
宗之封郟國李忠憲賢之封豐國蔣敏毅琬之封涼國
皆襲爵內朱陳宋吳四人皆以死事則寧陽定襄誠為
曠典而嗣侯得之亦為異恩矣

文臣封爵

按大明律文臣不許封公侯又云其生前出將入相能
除大患盡忠報國者同開國元勲一體封侯謚公不拘
此例謚當作贈疑誤也按稱封侯謚公又云不拘此例

則侯似可封然所謂生前云云恐亦追封也國初自李韓公後不復見成化中欲進封王越亦以此例而止

封公者中書左丞相韓國公李善長以開國輔政功封封伯者右丞相忠勤伯汪廣洋以輔政封御史中丞誠意伯劉基以籌策封廣東左布政使東莞伯何真以降

附封

何本武臣而受文職

已上太祖時封階勲尚二品而何公不

言階勲顧歲祿至千五百石已在一品上矣

兵部尚書忠誠伯茹瑄以迎附封已上太宗時封勲階

皆正一品矣

兵部尚書靖遠伯王驥以平麓川封禮部尚書興濟伯
楊善華蓋殿大學士武功伯徐有貞以奪門封已上英
宗時封

都察院左都御史威寧伯王越以破虜封已上憲宗時
封

南京兵部尚書新建伯王守仁以擒叛王封真人恭誠
伯陶仲文以修藥餌封已上世宗時封

汪劉陶不世襲劉卒後其孫推恩封一輩至曾孫於嘉靖中復封何楊傳一代廢茹徐傳世指揮使隨草今得世襲者基驥守仁而已

嘉靖初修定策功內閣大學士楊廷和蔣冕毛紀封伯爵子孫世襲固辭而許廷和子孫世襲在京四品文職冕等五品俱不就

文臣支伯爵俸者嘉靖中真人陶仲文以祈雨少師嵩年八十加恩隆慶初少師徐階十八年考滿加恩辭萬

歷中少師張居正十五年滿加恩辭按嵩之伯爵俸定議千二百石又本色八分折色二分所以為優若干石則在正一品下比之舊吏正一品兼吏尚書俸更薄矣

錄軍國重事

洪武元年李宣公善長徐信公達常鄂公遇春於階勲下帶錄軍國重事若因元之舊耳三年宣公進封韓信公進封魏改帶叅軍國事而同封李曹公文忠為同知軍國事馮宋公勝鄧衛公愈為同叅軍國事蓋不無少

軒輊也十年信公湯和加設知軍國事頗重以後不入
銜

文職冒武號

國初公侯為輔運伯為翊運武為宣力而文為守正汪
忠勤廣洋劉誠意基為開國翊運守正文臣而無推誠
字蓋殺其禮也如忠誠瑞因之其後王靖遠驥號止推
誠宣力楊興濟善有奉天翊衛八字然俱稱武臣雖秩
隆於前三伯而文職冒武號不自覺其誤矣後徐武功

有貞自為誥券始復改正而靖遠興濟遂援以請亦得
稱文臣洪武中公有光祿左柱國榮祿右柱國皆帶特
進而侯止榮祿柱國伯止資善大夫護軍靖遠以後乃
俱為特進光祿大夫柱國雖伯階已進次通侯然職典
章者亦不為不誤也

文武勲號之優

勲號在洪武者曰開國輔運在永樂者曰奉天靖難久
之則曰奉天翊衛或以祖勲而封後人者曰欽承祖業

其武職則曰推誠宣力文職則曰推誠守正而已惟張英公輔初以奉天靖難推誠宣力武臣為新城侯洪熙給誥以上公故特加輔運二字正統實錄成加佐理二字共得十二字朱宣平永加佐理與徐武功有貞加奉天翊運推誠宣力守正得十字而王靖遠楊興濟因之後王威寧王新建亦因之蓋奄有文武之美非故典也嘉靖中封常李鄧湯後四侯誠意一伯給本身誥券只當稱欽承祖業不可言開國也

文臣贈爵

贈公者江西行省叅政姑熟郡公陶安

係國初未定

太子少

師榮國公姚廣孝

贈侯者知處州府太原郡侯王道同知南昌府南陽郡

侯葉琛左司郎中高陽郡侯許瑗

係國初未定

尚書靖遠侯

王驥興濟侯楊善新建侯王守仁

俱見前

贈伯者吳王府叅軍左司郎中縉雲伯胡深中書叅議

西河伯毛麟臨江同知天水伯趙天麒太子太師湯陰

伯郭資少師在平伯吳中太子太保沭陽伯金濂深麟
麒皆國初未定之制

贈男者中書都事丹陽縣男孫炎中書郎中當塗縣男
王愷子男係國初未定時爵後罷不置

公世子

令典親王子曰世子禮服視郡王郡王子曰長子禮服
視鎮國將軍公侯子應襲者授勲衛及帶刀舍人不當
言世子也惟湯信公和子輓已為前軍都督僉事二品

矣卒而贈世子又高帝御撰中山王神道碑曰世子輝祖襲想國初之制如此但不知品秩何如

上柱國

會典稱正一品階勳云加授贈特進光祿大夫上柱國疑止為贈設耳李韓公徐魏公常鄂公初俱帶上柱國然階不過銀青榮祿大夫蓋因元之舊官未定也後常公物故二公俱改左柱國近夏少師言獨得上柱為一時曠典然在隋初為從一品勳而唐則四實不為異也

乙丑年加嚴嵩辭以人臣無上則夏公此官固驟乘之
禍耳乙丑少師徐階以十五年滿加固辭辛巳少師張
居正亦以十五年滿加亦辭後卒以為贈今按上柱國
一人夏言贈上柱國一人張居正

張後追奪而言官
誤以為生前所加

左柱國

左右柱國不見會典洪武三年始封李徐二公加左柱
國自李曹公而下俱右柱國文臣則絕無及者正德初
劉文靖健以顧命大臣得左柱國繼之者李文正東陽

楊文忠廷和梁文康儲楊文襄一清大槩皆異典也萬
厯時大學士張居申時俱以九年滿加左柱共八人正
德末年梁文康以次輔與楊文忠同得左柱尤奇今少
師時行以六年滿得之俱奇

洪武三年大封唯太師李韓公太傅徐魏公稱特進光
祿大夫左柱國而已常鄭公茂馮宋公勝李曹公文忠
鄧衛公愈皆以榮祿右柱國封見左之不易得也湯信
公和由中山侯進封得光祿左柱而胡梁公顯以王親

亦濫竽焉若傳賴公藍涼公之大勲亦仍榮祿右柱而已永樂初李曹公景隆以降附加祿千石為光祿左柱而元勲如丘濬公福朱成公能下安南如張英公輔沐黥公晟皆榮祿右柱至洪宣中英公以國史完始進光祿左柱成化末太師張英公懋進光祿左柱而朱保公永封國時亦止以光祿兼右柱耳以後如朱太師希忠之崇貴亦止特進柱國然則左柱國亦非人臣所易當也


左柱國不兼特進

階以特進為重而勲尤以左柱國為崇特進而止柱國者有之未有左柱國而不帶特進者也嘉靖十五年加武定侯太師左柱國而不帶特進似不可曉萬厯初吏部擬加少師江陵公亦如之尋辭

文臣特進

文臣非伯爵而階特進光祿大夫者亦不易得今按無左柱國者劉文穆吉嚴分宜嵩徐文貞階帶左柱者劉

文靖李文正楊文忠楊文襄梁文康張江陵及申少師
帶上柱者夏文愍前後十一人而已



弇山堂別集卷六

欽定四庫全書

史部

弇山堂別集卷

七至九

詳校官編修臣李潢

編修臣裴謙覆勘

總校官中書臣朱鈐

校對官中書臣李榮

謄錄監生臣王貽桂

欽定四庫全書

弇山堂別集卷七

明 王世貞 撰

異典述二

文臣加三公

太師太傅太保曰三公高帝時李韓公善長為太師而徐魏公達為太傅常開平遇春贈太保已後絕不輕授其重惜之意可知仁宗始加張英公為太師嗣後武臣

得之不以為異嘉靖初楊少師廷和一品十二年又以
辭伯爵有進階二級詔旨特拜太傅四辭而止萬厯初
張文忠居正一加太傅三辭而止辛巳始拜命壬午張
進太師十日卒今按太師二人李善長張居正太傅一
人即張公二公後皆削

勲臣太師

三公雖並經邦而太師尤重非人臣所敢當以徐中山
之勲德而加止太傅去韓公幾五十年而有英國公張

輔嗣公張懋保國公朱永昌國公張鶴齡定國公徐光祚翊國公郭勛成國公朱希忠并韓公凡八人郭加太師時尚侯爵尤為異也

公孤真任

洪武十三年廢中書省後有上疏請設三公府俾之坐論變理上欲從之而未定也考宣德三年勅太師英國公張輔少師吏部尚書蹇義少傅兵部尚書華蓋殿大學士楊士奇少保太子少傅戶部尚書夏原吉太子少

傳工部尚書謹身殿大學士楊榮按義等勅云卿等祇事祖宗多歷年所嘉謨讜議積勛勤誠朕嗣統以來尤深贊輔夙夜在念圖善始終蓋以卿春秋高尚典繁劇優老待賢禮非攸當况師保之重寅亮為職不煩庶政乃副倚毗可輟所務朝夕在朕左右相與討論至理共寧邦家職名俸祿悉如舊卿其專精神審思慮益致嘉猷用稱朕眷注老成至意欽哉其輔勅云卿以親以賢祇事祖宗多歷年所忠存社稷功著國家逮朕纘承大

統勤誠輔弼元勲厚德歸然於今方當注倚之時矧居
變理之任不煩以政乃理攸宜可輟中軍都督府事職
名俸祿悉如舊朝夕在朕左右相與究論軍國重務共
安家邦卿其專精神明道德益弘啟沃之功用臻治平
之效蓋真領公孤之職也十年上崩蹇夏後先卒而二
楊還領閣務尋復為虛銜蓋迄今云又永樂中姚廣孝
以立東宮自僧錄左善世進太子少師而無他兼職又
有勅云卿資性篤實學行老成事朕藩邸積有年歲朕

靖難之初卿侍左右謨謀弼贊裨益良多今建儲嗣簡求良輔以卿舊人特授太子少師夫太子天下之本也必賴啟迪良正輔成德器卿尚勉盡厥職副朕眷倚之重欽哉以此考之不兼它官不領他職亦真任也

四夷三公

永樂中額森圖罕來歸賜名金忠洪熙元年加太子太保宣德六年加太保俱二俸兼支又永樂賜阿魯岱太師中書右丞相和寧王誥命然亦因故號而稱之耳

三孤兼東宮卑秩

按師保兼東宮官或帶本秩如少師兼太子太師之類或以小兼大如少保兼太子太傅之類無大兼小者唯宣德初夏忠靖原吉以少保仍兼太子少傅欲優以二俸故也嘉靖初楊文襄一清以少師兼太子太傅亦官制一變也席文襄公書嘗言宜釐正不報

公孤自相兼

嘉靖中京山侯崔元已加太傅左都督陸炳已加太保

二公俱兼太子太傅太保正一品階矣後以聖誕前後
元加少師炳加少傅元後同大學士嵩辭得免炳至終
身稱太保兼少傅上時亦不安于心有御札云以公兼
孤亦可

公兼三孤及侯兼東宮三少

國公自加三公外有東宮三太而無三孤萬曆英國公
張溶加少保再加少傅侯伯兼公孤外其於東宮有三
太而無三少天順中廣寧侯劉安加兼太子少傅隆慶

中恭順侯吳繼爵加兼太子少保若洪武初李韓公兼太子少師徐信公兼太子少傅常鄂公兼太子少保其時官制亦未定也

三少相兼

嘉靖中真人禮部尚書陶仲文兼少師少傅少保古今所未有

三品兼三少

東宮三少以上舊制惟尚書左右都御史得兼之洪熙

初推恩大學士楊士奇以禮部左侍郎加少保楊榮以太常卿加太子少傅金幼孜以戶部右侍郎加太子少保無何俱進尚書景泰間備署宮官且以易儲故推恩吏部左侍郎兼翰林院學士江淵禮部左侍郎兼學士王一寧戶部左侍郎兼學士蕭鎡兼太子少師吏部左侍郎俞山太子少傅兵部右侍郎俞綱都察院左副都御史羅通大理卿蕭維禎通政使李錫俱太子少保前後所無

孤卿兼宮官

洪熙中少師蹇義少傅楊士奇少保黃淮例不兼宮臣
其自東宮三太三少而進三孤者則削其舊銜如太子
少傅楊榮太子太傅胡濙太子太保王直進少傅是也
故景泰以前當以孤卿兼宮秩為異少保兼太子少傅
戶部尚書夏原吉僅一人

孤卿不兼宮官

自景泰備東宮三太而三孤俱有兩職然成化初猶有

不兼者曰少保李賢彭時彭公沒絕響矣故成化而後
當以不兼官秩為異曰少保禮部尚書文淵閣大學士
張璁亦僅一人

南部三孤

南京大臣以三孤兼者獨少保叅贊機務南京戶部尚
書黃福一人而已若太子太保則有四人兵部喬宇秦
金吏部王用賓戶部周經

節鎮三孤

弘治王襄敏越總制陝西三邊以少保兼太子太傅嘉
靖楊文襄一清總制陝西三邊以少傅兼太子太傅正
德陳金總督兩廣胡宗憲總督浙直江西福建俱以少
保兼太子太保凡四人若太子太保則景泰兩廣王翱
成化宣大王越余子俊正德四川洪鍾彭澤嘉靖三邊
王憲王瓊王以旂劉天和征倭趙文華隆慶宣大王崇
古萬厯宣大方逢時張佳胤鄭洛

尚書一品

建文初特崇加六部尚書皆正一品於是吏部尚書張
紇戶部尚書王鈇禮部尚書陳迪鄭賜兵部尚書齊泰
茹瑺鐵鉉刑部尚書侯泰暴昭工部尚書嚴震直皆階
特進榮祿大夫每部增設侍中正二品

四輔官分四時

高皇帝設四輔官均職四季以上中下三旬人各司之
驗雨暘春三月壬本司皆上旬十日杜佑司皆中旬十
日龔黻司皆下旬十日夏三月杜黻司皆上旬十日吳

源司皆中旬十日趙民望司皆下旬十日秋冬亦如之
各兼太子賓客班列公侯都督之次尚書之上又有四
輔游東苑倡和詩不載

一佩九印

太宗初幸北京官不必備或以事譴有一官署二三印
者惟夏忠靖原古兼掌九卿印各曹俱於朝房取裁為
一時盛事云

六卿兩銜

洪武二十四年太子少保詹徽以吏部尚書正兼都察院左都御史嘉靖十四年太子太保汪鉉以吏部尚書正兼兵部尚書二公俱綰二綬更日治事詹公同在洪武初以吏部尚書兼翰林院學士承旨亦兩綬二職以其俱三品也故附記之

吏部尚書掌別部

正德初起太子太傅吏部尚書屠公滂以舊銜兼都察院左都御史掌院事隆慶末起少傅兼太子太傅吏部

尚書楊公博以舊銜掌兵部事然不預本部職任十五年
起吏部尚書嚴清掌兵部未上

別部尚書署吏兵部

永樂以前無論已宣德間戶部尚書師逵署吏部終身
輟本部事工部尚書吳中署吏部不輟本部事嘉靖間

刑部尚書鄭曉署兵部

輟本部事

萬厯間兵部尚書方逢時

署吏部

不輟本部事

俱以候尚書未至也又刑部尚書嚴清

署吏部

三日推吏部尚書

六卿外署

建文中兵部尚書茹瑞署河南布政司刑部尚書暴昭

署平燕布政司

在真定

永樂中戶部尚書郭資署北平布

政司工部尚書黃福兵部尚書陳洽總署交趾布按二
司刑部尚書雒僉掌真定府刑部左侍郎楊勉署山東
布政司

吏部尚書外遷

洪武十三年以前吏部尚書遷行省叅政者皆為遷也

蓋尚書三品而叅政從二品耳又有吏部尚書王興福
為西安知府周時中為鎮江知府陳修為濟南知府李
仁為青州知府陳敬為禮部員外郎崔善為宣化典史

吏部尚書改別部

吏部自建文而後益重矣其改兵部者茹忠誠瑞南本

部者崔莊敏恭

以丁憂
服除

南禮部者耿文恪裕南兵部者

劉機

以丁憂
服除

改兵部總督者王恭襄瓊

以戊
起

改刑書者

李康惠承勛

未上
改

尚書兼九列

王驥程信以兵部尚書兼大理寺卿石璞趙榮以工部
王來以南京工部兼亦如之蓋皆用軍功也按理官非
若宮秩可兼又於品為三無足榮者蓋二俸並支優以
歲祿耳自程後絕不復有此加又洪熙初禮部尚書呂
震為太常寺卿則兼事與祿也

南兼北銜

正德初王公軾以南大司徒兼北院副都總師征蜀嘉

靖中王公守仁以南大司馬兼北院左都討岑猛張公經以南大司馬兼北院右都平倭至王公用賓以南太宰仍兼翰院學士蓋優禮儒臣之典也

北銜理南務

嘉靖中李默王材萬厯中屠羲英俱以太常寺卿掌南京國子監祭酒事萬厯初萬士和以禮左侍管南禮右侍事尋以左侍掌國子監翁大立以兵左侍前後管南吏刑二部右侍事此皆以北銜理南務也

戶部事祿之異

宣德中夏忠靖原吉為少保太子少傅戶部尚書然不治部事而兼吏尚書俸郭忠襄資以太子太師起掌部事然不帶尚書銜一時事也

一部二尚書

洪武初制每一部二尚書如吏部詹同李守道戶部李泰周肅同日命下後雖革亦往往有之吏部宣德蹇義郭進景泰王直何文淵又王直王翱戶部永樂郁新夏

原吉宣德夏原吉郭資禮部永樂呂震趙珪景泰胡濙
楊寧兵部建文茹瑞齊泰永樂金忠方賓正統王驥徐
晞又徐晞廊埜景泰于謙儀銘又于謙石璞嘉靖張瓚
樊繼祖工部永樂趙珪宋禮又吳中趙珪宣德吳中李
友直嘉靖林廷楫甘為霖又溫仁和甘為霖又歐陽必
進雷禮萬厯楊兆何起鳴石星曾同亨兩左都景泰陳
鑑王文正德陳金玉璟三左都景泰陳鑑王文王翱

參贊團營非兵部

叅贊守備機務非南京兵部者戶部尚書黃福張鳳吏部尚書崔恭都察院右都御史張純王恕南兵部而非尚書者右侍郎徐琦

團營非兵部者都察院左都御史王越馬文升右都御史鄭曉右僉都御史李鐸若王廷相汪鉉雖以掌院兼之然帶兵部尚書銜

蘓松江浙人戶部帶銜

高皇帝制直隸蘓松二郡人不得官戶部永樂中皇太

子監國請以江西人給事中王高為戶部侍郎不許正
統末吉水周忱拜戶部尚書僅數日而改工部以後雖
巡撫銜亦避之惟內閣學士不論如永嘉黃公淮廬陵
陳公循淳安商公輅長洲王公鏊餘姚謝公遷慈谿袁
公煒吾郡申公時行鄞縣余公有丁是也又吾郡滕思
勉顧禮衢州徐恢皆實拜戶部蓋洪武中未定之制也

尊官掌九列

成化末三品以下九卿多以尊官掌之通政司張文質

太常寺劉爰鴻臚寺施純俱太子少保禮部尚書大理寺杜銘工部尚書光祿寺艾福國子監丘濬欽天監康永韶皆禮部侍郎太醫院蔣宗武通政使上林苑監李孜省左通政盖多以傳奉得之故也然未有如景泰時楊善之異善以左右都御史加太子太保俱仍掌鴻臚寺

內閣次序互異

內閣五品時不過文淵翰林諸學士庶子諭德中允為

序耳其諸殿次第自正統時定兼部銜次第自天順始
定如楊榮以太子少傳謹身位少保黃淮武英下陳山
無兼官以謹身位少保黃淮太子少保金幼孜武英下
少保黃淮太子少保金幼孜以戶部尚書位少傳兵部
楊士奇下金幼孜又以戶部楊溥無兼官以禮部位工
部楊榮下王文以少保吏部位戶部陳循工部高穀少
保太子太傅下皆取所兼保傳為次序也張瑛以禮部
華蓋殿位戶部謹身陳山下此則以部分為次序也

掌文淵閣

閣臣入閣止云直文淵及辦事而已惟徐有貞以武功伯兼華蓋殿學勅掌文淵閣事遂以掌文淵閣入銜武功敗李賢以右侍郎復拜吏書兼學士奉旨亦掌文淵閣然不入銜

閣臣不預事

宣德初謹身殿大學士陳山改專教內璫華蓋殿大學士張瑛出理南部俱不得預閣事而吏部蹇義戶部夏

原吉俱輟部務以師保入備顧問計議朝政即家條旨
草制勅然不入內閣亦一時異事也

大學士非內閣

洪武中華蓋等殿大學士劉仲質邵質余思誠鮑恂余
銓張長年吳伯宗朱善宋訥吳沈其時原無內閣也若
洪熙時文華殿大學士權謹及陳山教內豎後皆非內
閣臣矣

內閣兼掌部院

正德初大學士焦芳入閣後又專銓柄乞於閣人瑾兼

掌吏部

數日罷

嘉靖中大學士張璁兼掌都察院方獻夫

兼掌吏部

不久罷

嚴嵩以上眷注及徐公階以候尚書德

俱兼掌禮部

俱半歲罷

李公本出掌吏部

旬日罷

乙丑大學士

嚴公訥由吏部入以候尚書朴仍暫掌部事隆慶庚午

大學士高公拱起掌吏部趙公貞吉出兼掌都察院俱

免奏事承旨內璉奉勅肅清百僚本事畢恩獎加少保

武英殿學拱綰綬歷年兩司內外考察至居首揆尚握

銓柄出而啟事入而條旨尤為異聞

內閣司考察

嘉靖三十五年吏部尚書李默得罪內閣大學士李公
本掌部事分別尚書以下九卿大小巡撫都御史作三
等其上中等擬畱下等取上裁復考察科道官應畱應
去者以聞天順元年特命大學士徐有貞攷布政黃輿
高寅王亮等知府白仲賢萬安等俱冠帶聞住

南部入閣

內閣由南部入者凡三人楊文忠廷和以南京戶部梁文康儲張文隱治以南京吏部俱尚書入

內閣出為六卿

景泰六年太子少師吏部左侍郎兼學士江淵為工部尚書掌部事嘉靖四年少傅大學士楊一清起改兵部尚書左都御史總督三邊十八年禮部尚書大學士翟鑾起改兵部尚書右都御史閱九邊充行邊使

內閣出理南部

宣德四年華蓋殿大學士張瑛以原官掌南京禮部其官稱禮部尚書蓋是時北為行在故也

致仕丁憂部臣入內閣

萬厯十年致仕太子太保禮部尚書潘晟起家武英殿大學士十二年給假丁憂禮部右侍郎兼翰林院侍讀學士王錫爵起家禮部尚書文淵閣大學士祖宗朝所未有也

閣臣外任

永樂中解學士縉為交趾叅議胡侍讀儼為國子祭酒
天順中岳修撰正為欽州同知後復官止於翰林供事
再出知興化府徐武功有貞為廣東李尚書賢為福建
許禮侍彬為陝西俱叅政賢尋復入為吏部右侍郎又
宣德中太常卿兼學士楊溥景泰中翰林院侍讀彭時
俱以內閣丁憂服除守本官後二公俱再入內閣

輔宰臣督工

閣臣於興造工役規畫則有之未有躬履其事者若吏

禮二部臣則絕不之及矣惟嘉靖九年建南北郊大工
少傅大學士張孚敬知建造少保大學士桂萼大學士
翟鑾同知建造十四年少師大學士孚敬少保大學士
李時知建造太子太保吏部尚書汪鉉少保禮部尚書
夏言同知建造於工部為侵官於閣臣為失職

內閣公侯審錄

今三法司囚犯每五年熱審奏請矜疑辨問及減等發
落自正統初遣司禮監太監金英始遂為定制必以巨

璫之首為之張傘蓋列駟騎既至大理寺則據高坐南向尚書都御史皆旁坐而御史郎中以下官引囚廷審殊不為雅惟嘉靖十六年三月不用中官特以勲臣勲及二輔理之第勲倚貴自用所釋減幾大半圉圉為空皇帝勅諭太師兼太子太師武定侯郭勲少傅兼太子太師吏部尚書華蓋殿大學士李時少傅兼太子太師禮部尚書武英殿大學士夏言朕惟刑獄重事民命所關近來法官多不習律比任情出入以致冤濫滋甚及

今會審應辨問者又拘執成案不與開釋朕每念及此惻然軫懷茲特命卿等會同三法司官將見監死罪重囚逐一面加勘鞫務得真情中間事有虧枉情可矜疑者奏來定奪朕以卿等勲輔重臣故茲簡托卿等宜仰體朕心殫誠竭慮往恭厥事卿等其欽哉欽哉

內閣不由翰林

內閣不由翰林凡八人王毅愍文以左都御史楊文襄一清劉鈞州宇許文簡讚以吏部尚書薛文清瑄以大

理寺卿俞綱以兵部右侍郎李文達賢以吏部侍郎曹

元以兵部尚書

內許公曾為編修然以御史改

其初不由翰林而後改翰林入閣者解縉初為御史黃
淮初為中書舍人楊士奇初為吳府審理副胡儼初為
桐城知縣金幼孜初為給事中陳山張瑛初為教官給
事中袁宗皋初為長史桂萼初為刑部主事張孚敬初
為南刑部主事方獻夫初為吏部員外郎夏言初為行
人給事中

王毅愍薛文清外亦有異者如江淵以刑部右侍郎尹直以兵部左侍郎徐有貞以都察院左副都御史許彬以太常卿雖常為翰林而所進階序亦未相應

殿閣二銜

景泰中修寰宇通志陳少保循以華蓋殿大學士兼文淵閣大學士高少保穀王少保文俱以謹身殿大學士兼東閣大學士亦一時異制也

學士二銜

弘文館學士兼翰林院侍讀學士危素文淵閣大學士
兼翰林院學士胡廣楊榮金幼孜左春坊大學士兼翰
林院學士解縉胡廣商輅左春坊大學士兼侍讀學士
曾棨楊廷和彭時右春坊大學士兼侍讀學士王英劉
儼呂原楊公以弘治末年加坊學不設五十年矣自楊
公後八十餘年絕不復設

內閣首臣復居次

永樂四年解縉罷黃文簡准以右坊學居首二歲而庶

子胡文穆以學士兼左坊淮遂居次楊文敏榮永樂十六年以文淵閣學居首二十二年楊文貞為華蓋榮遂以謹身居次梁文康儲正德九年居首累遷至華蓋十三年故相楊文忠復入銜位同而入閣在前儲遂居次嘉靖二十三年嚴分宜居首累遷至謹身二十五年夏文愍以華蓋復入嵩遂居次

內閣兼官之異

大學士五品也然多以尚書兼之洪熙元年楊文貞以

禮左侍兼華蓋金文靖以戶右侍兼武英宣德元年陳山以戶左侍兼謹身張瑛以禮左侍兼華蓋後絕無之至嘉靖中李公本以吏右侍兼東閣隆慶初江陵張公居正以吏左侍兼文淵閣萬厯中吾吳申公時行大同王公家屏以吏左侍兼東閣俱大學士謹身殿大學士以太常卿兼者楊榮武英殿大學士以通政使兼者黃淮蓋加官也學士以刑部右侍郎兼者江淵以國子祭酒兼者蕭鎡以都察院左副都御史兼者徐有貞由兼

官進故也江蕭徐俱不數日而改

學士兼官之異

正德中學士靳貴左兼光祿寺卿天順復辟凡景泰中
東宮官左右春坊大學士呂原倪謙左庶子劉定之改
通政司左右叅議左右庶子林文李紹俱改尚寶司卿
仍兼講讀諭德錢溥洗馬柯潛俱改尚寶司少卿左右
中允黃諫萬安李泰改尚寶司丞仍兼史官亦時制之
一變也

洪武孔克表王僕以翰林修撰兼編修天順孔公恂以詹事府少詹事兼諭德近乎疊牀架屋矣

閣臣出使

內閣若楊文襄之督三邊翟文懿之巡九鎮皆起自家俱改兼部職楊文敏三使寧夏甘肅與寧遠西寧謀軍務其時閣體未重至景泰中王毅愍文勘南直隸事情高文義穀以祭告江海二公皆兼賑濟江少師淵督察四川軍情理糧餉則事體異矣弘治末闕里告完李文

正東陽以次輔致祭兼撰碑蓋重其事也

閣臣扈從

永樂北征凡四其前二則胡文穆廣以文淵閣學與楊文敏榮金文靖幼孜扈從其後二則楊金二公俱以文淵閣學扈從宣德征漢庶人一楊少傅士奇楊宮傅榮金宮保幼孜楊學士溥從巡邊二其一則三楊與金其一獨三楊從正統北征曹學士鼐張學士益從正德征寧庶人梁文康儲蔣文定冕從嘉靖南幸承天夏文愍

言從唯征漢庶人有勅與蹇少師夏少保同叅預機務
贈官內閣吏部銜

大臣歿有贈官獨內閣大學士及吏部尚書不以加贈
如梁武之於朱昇宋神宗之於韓琦非破例不可惟景
泰中贈侍郎曹鼐嘉靖初贈左長史張景明俱文淵閣
大學士贈左都御史宋景為太子少保吏部尚書

鼐贈
三官

景贈二官尤為
本朝所無之典

各部尚書兼學士

六部尚書非內閣而帶學士者惟禮部有之然亦自桂方二文襄起蓋上以議禮褒寵之且示為入相之地耳後遂為定制今按以吏部尚書帶者桂公萼方公獻夫李公默郭公朴嚴公訥以戶部尚書帶者李公廷相以工部尚書帶者溫公仁和董公份自嘉靖丙戌後禮部尚書不兼學士銜者惟萬公士和及今徐公學謨而已

二尚書任國子

洪武中起致仕刑部尚書李敬為國子祭酒致仕試吏

部尚書劉崧為司業今人但知劉而不知李也劉居官
月餘卒李後坐事抵罪成化初亦以此例起禮部左侍
郎李紹少詹事兼學士柯潛潛以喪服辭與李俱不及
任而卒

弇山堂別集卷七